



UPA2019/213

27/3-2019

Steen Lyngø

**Uunga siunnersuut: Sanaartukkat innaallagissamut sakkortuumut atugassat atortullu innaallagiatortut pillugit inatsisartut peqqussutaata allanngortinneqarnissaa pillugu inatsisartut inatsisaat nr. Xx, xx. xxx 2019-imeersaq.**

(Inuussutissarsiornermut Nukissiuuteqarnermullu Naalakkersuisoq)

Inuussutissarsiornermut Nukissiuuteqarnermullu Naalakkersuisup siunnersuuteqarnermini kissaatigaa sanaartukkat innaallagissamut sakkortuumut atugassat atortullu innaallagiatortut pillugit inatsisartut peqqussutaata atuuttup allanngortinneqarnissaa.

Soorlu Naalakkersuisut oqaatigigaat saqqummiussinerminni Inatsisartut peqqussutaata 1994-imeersup nutarterneqarnissaa siunnersuummi siunertaavoq, taamaalilluni Kalaallit Nunaat aamma siunissami innaallagiap isumannaatsuutinnissaanut qaffasissunik malitassa qarfiussalluni.

Siunnersuummi pingaartumik teknikkikkut erseqqissaasoqarpoq, tamatumalu saniatigut Innaallagissiornermut oqartussat immikkoortutik immikkoortortaasut erseqqissarneqarluni, tassami siunnersuutip malitsigisaanik Innaallagissiornermut oqartussat Nukissiorfinnut aningaasaliissutitigut aningaasalersorneqarunnaassapput.

Demokraatini allannguinermut siunnersuutaannut isumaqataavugut aamma peqqussutit nutarterneranut taamaakkaluartorli erseqqissaassutigisvarput anguniakkap akerleriittumik iliornerunnginnersoq apeqqutigissallugu, oqaatsinik allannguinierneq. Taamaasilluni oqaaseq Landsstyret oqaatsimik Naalakkersuisunik taarserniarneqarpoq peqataanilli oqartussaaffit atserniarsaralugu kalaallisut danskisullu.

Demokraatini isumaqarpugut taaguutit ator neqartut atillu assigiittariaqartut anguniakkamullu akerliunatik, innuttaasut ilisimaniassammatigut immikkoortut ataasiakkaat qanoq ateqarnerisut apeqqutaatinnagu oqaatsit suut ator neqarnerisut.

Taamatut oqaaseqarluta siunnersuut ingerlateqqipparput Inuutissarsiornermut Aatsitassanullu Ataatsimiititaliamut suliareqqitassanngorlugu.



DEMOKRAATIT  
DEMOKRATERNE